

民國安次志

陳寶泉
題



安次縣志卷七

列女志

列女有傳肇自劉向范書準其義法後世史家踵焉或撫孤而守志或捨生以全貞其貞潔之行炳焉爭光星日敬謹錄之以垂帷範云

明

謝梅氏謝黑妻年十八夫亡即欲自盡姑止之遺腹生一子夙夜操作以奉舅姑撫子成立守節四十餘年宣德中旌表

陳孔氏貢生陳璉妻年十八適璉踰月璉以歲貢赴南監越三年璉卒孔迎櫬歸葬姑憐其無子欲嫁之孔泣而前曰夫既早逝姑老且疾婦嫁姑將何依誓志不從時值兵荒人民奔竄孔事姑甚謹及卒喪葬如禮孀居五十八年正統中建坊旌表

紀王氏紀繼緒妻年十六適繼緒會夫行成年歉而貧王竭力以養舅姑而自挑野菜以爲食洪武間夫隨征東昌不還王年纔二十姑憐其少欲嫁之曰婦所以

不死者爲有舅姑在也不然請先畢命於今日姑從之其後孝養益篤正統間旌表在紀家莊

康孟氏康恭妻成化初旌表建坊

高辛氏高明妻年二十二夫亡遺孤尙幼奉養舅姑終始不衰子娶閻氏又早死其媳孝於姑亦不衰辛年七十五閻年六十一卒邑人嘉其雙節

李張氏李俊妻弘治十二年旌表建坊縣東街

楊張氏千戶楊林妻林亡張年二十五苦志紡績足不履戶外者四十五年清謹無玷年七十一卒弘治間旌表

劉張氏劉景學妻正德間旌表建坊縣西街

王周氏王文苑妻苑亡上無翁姑下無子女家貧歲凶苦志守節年七十五卒縣尹江一定旌其門

扈張氏扈文妻婚三載文死生遺腹子扈印家貧守節誓志終身後印夫婦俱早死氏又撫其孫守忠成立至八十三歲卒縣尹江一定旌其門

李冀氏李大經妻夫亡舅姑垂老而子幼屢值荒年節孝不替知縣陶棟旌其門
孟寶氏孟約妻年二十二夫亡子幼誓志終身年八十五卒

孟房氏孟瑁妻年二十一夫亡無子伶仃孤苦守節至八十五歲卒

魏岳氏魏宣妻年二十三夫亡子甫三歲守志撫孤成立貞名無玷至八十三卒
知縣阮宗道資以粟帛

郭張氏生員郭佃妻年十六歸於郭四年佃死而無子張以死殉中夜自縊於靈
牀姑救得免且泣喻之曰汝死則得矣如吾老人何張乃從之躬勤紡績以資奉
養而自挑野菜以爲食姑見之一慟幾絕因勸張改適囑鄰婦慫恿之張曰此非
我所爲也若迫之第有死耳誓志益堅及姑亡貧不能殮鄉黨哀其志悉贍給之
守節五十餘年卒萬歷間旌表

賈郭氏賈時雍妻年二十二夫亡家貧子幼力勤茹苦以撫藐孤及子游庠未幾
而天撫兩孫又無成立煢煢孤獨年至八十而卒萬歷二十一年旌表建坊小南
街

史王氏生員史簡撫妻年二十三夫亡孤成立而早夭又撫穉孫俯仰無依負薪拾穗以自給年八十餘卒知縣田子耕廬其門

王任氏武生王大傳妻夫亡任年二十三欲絕粒以殉念姑老子幼勉襄大事一夕風雨大作夢寐中若有呼之起者比抱兒起屋即傾壞事姑生死無憾教子游庠冰心苦節五十年如一日也天啓二年旌表建坊大南街

劉李氏劉之翰妻年二十二翰死舅姑已老僅育一女養老慈幼勵志不變氏之父家故世族弟姪皆顯達賴供薪米以佐苦節天啓三年旌表

劉李氏劉可儒妻年十九夫亡孝事其姑樵採自給以節終天啓四年旌表建坊北尹村

張劉氏張希臯妻鄉民劉儒女也年十五歸臯爲繼室歷十有二年臯以疾死閏月十有五日婦自經以殉年甫二十有七婦生而貞靜嫻女則翁媼素奇之不輕許字人希臯聞其淑媛遂委禽焉合巹時婦僅及笄而縫裳釀酒剡麻考履一切女紅咸備孝養舅姑嫺睦昆季罔不恭謹翁歿家中落臯與兄希稷以治生無策

始謀析箸婦事姑朝夕益虔每侍立丙夜無跛踦容姑性雖嚴亟賢之臯得出不盈一頃復濱於河多不逢年婦勞苦自甘事女工以給又輒時其物之貴賤而權之以故數年稍贏然弗敢私銖縷也臯於弟兄友愛最篤凡筆耨硯田輸官延客之費俱佐緩急焉而婦可知矣臯得療疾三月無起色婦日夜流涕願以身代侍疾既久骨立不支及臯死強起視殮蓋棺畢一慟而絕甦復絕者再水漿不入口蓋臯無遺息決志相從地下矣稷密令母日夜守護尫羸一息嘗顧儲侍而歎曰此張豕貲也道家奴輸穀數十斛於稷所篋篋錡釜之器亦俱焉佯言使善藏之稷一日展墓歸祭兄以牲醴之具婦跪而泣謝思昔雁行今折翼佳事不再覩由是五內崩裂繼乃給母歸省其父一侍婢亦趣之去是夕夜將半束髮服縞衣向臯靈爇香再拜遂自經柩旁以殉時天啓元年正月十九日詰旦姑與鄰媼啓戶解懸已不可救矣里人聞之皆爲之泣下是日也風聲蕭索白日黯淡若助其悲慘者邑令勒狀上聞旌曰貞烈之門

明教諭湖廣王從先撰

張王氏張震陽妻年二十三夫亡子纔六齡家徒四壁艱苦備嘗始終不二撫孤

補庠生歿後按臺旌其門

胡于氏胡棟妻儒家女也二十三而寡苦志守節撫子俊方補邑庠按學二憲旌其廬

楊田氏楊逢盛妻年二十六夫亡撫育二子苦節四十八年冰霜之操嶢然不滓子蔚爲庠生奉旨旌表

葛劉氏生員葛潤妻素有賢行夫亡劉年十九遺孤僅三月抱孤日夜號積哀成疾不逾年而殞聞者痛之

張王氏張鵬翔妻年十五適翔翔業儒未售而早卒王年纔十七祖姑憐其無子隱喻改適王擗踊哀號誓必守志以報所天垂三十年以節終

張王氏張泰陽妻年十九婦居貧無僮石績麻待炊課子游庠未幾子復夭僅遺兩孫王念兩世孤單清操益勵嘗泣語兩孫曰吾守爾父讀書成立而早死繼之者在汝曹耳由是奮志力學俱入邑庠天之報施固不爽也按臺湯公題請旌表鄧劉氏鄧世銀妻夫亡年二十八奉姑以孝教子惟勤卒年八十守節五十餘年

學按兩臺給額旌表

段葛氏段惟公妻二十五歲夫亡以節終

張王氏張堯妻年二十六夫亡誓志守節

魏董氏魏澤珠妻十五歲于歸十六歲而夫卒守節五十年

馬氏米氏貢士王嘉賓之妾也嘉賓歿無子二人矢志守節及家業凋落業針線以自給始終不二知縣蘇兆元申請給額貞節

于邵氏于若瀛妻年二十四夫亡矢志貞操以事舅姑姑性素嚴厲氏恭順無違得其歡心未幾邵亦早殞遂偕同穴後二子俱游庠序

邵魏氏邵豫昭妻夫亡魏年二十三僅一女侍奉孀姑不辭艱苦守節數十年卒鄉鄰悉稱道之

孟張氏孟養善妻年二十一夫亡七日不食而死

劉魯氏劉邦治妻年二十三無子而夫亡撫姪爲嗣屢遇荒歲貧無所依日挑野菜拾薪爲爨苦節以終

施王氏施金妻生子光祚尙在襁褓而金亡王苦志守節撫子成立並授之室媳李氏頗嗣前徽深慰姑心及王去世光祚夫婦竭蹶喪葬畢而光祚亦死李兩世孀居雖窮苦無依而此志不改貞節之操可謂萃於一門矣

劉于氏劉孔曜妻年十九而夫亡守節撫孤教子成名

王福氏廩膳生王旭妻夫亡事姑撫幼子成立以節終

張王氏張郊庚妻年二十二而寡生一女一男姑以婦年少欲嫁之氏伏地泣曰婦早喪所天命實不由子女三人誓死一處斷不能更事二天也遂事姑撫幼以節終

薛王氏薛民樂妻舅姑繼喪夫亦旋歿王時年二十四撫兩遺孤生一孫而二子俱夭伶仃孤苦以節終

王孟氏王良臣妻年二十六夫亡上事舅姑下撫弱息以節終

王氏王守惠妻夫亡誓不改適舅姑歿貧不能殮鬻女葬焉見者哀之

王劉氏王漢卿妻年二十四夫亡事舅姑撫幼子以節終

劉婁氏劉承基妻夫亡撫孤成立

劉張氏劉愼妻明末寇亂避難郊外爲賊所逼誓死不屈遂遇害子曰啓食餼上庠崇禎中知縣王佩弦旌其門

施榮氏生員施我經妻避亂王家莊猝遇暴兵抱子投河而死邑人作歌以哀之知縣旌其門

清

任孟氏任義春妻旗人台六乘義春他出圖姦以刀脅之孟力拒不從遂爲所殺康熙三十二年旌表入祠

陶張氏陶子明妻本貧家婦以禮自守旗人七十豔其貌挾刀而往欲犯之張與之抗大聲詈罵七十懼爲鄰人所知遂殺之康熙三十八年旌表

駱娥留犢村人父早歿年十七未字人與母兄處足跡不履戶外鄰人鄭逢春竊窺之一日乘女獨處強欲圖姦女不從以斧擊殺之康熙五十三年旌表入祠
解劉氏生員解萬有妻年二十二歲夫亡守節四十九年康熙五十三年旌表

張寶氏張玘妻年十八歲夫亡守節三十六年康熙五十九年旌表

張孫氏生員張瑞妻年二十歲夫亡守節三十六年康熙六十年旌表

解宋氏生員解萬瑞妻年二十五夫亡守節四十三年雍正二年旌表

劉趙氏劉三妻楊聖章欲姦之趙力拒不從疾呼隣人楊即遁去趙曰貞白之體奈何爲強暴所逼遂自縊而死雍正五年旌表入祠

郭邵氏郭爾儼妻夫亡邵年二十七歲守節四十年雍正十二年旌表

王高氏麻村王純善妻夫亡守節乾隆五年旌表

王武氏王天泰妻年二十六歲夫亡守節三十二年乾隆五年旌表

苑烈婦適大城孟黑子僑居邑之裏狼城其姑李氏素無行會永定河決賣酒隄上而欲陰召其婦以爲媒婦歸甯不至比至而別居村堡中姑怒屢窘辱之又嘗偕惡少至婦舍飲婦色益厲不可犯自念薰蕕同器而居則清濁曷辨且姑意終未肯釋然也六月五晨炊後伺姑往堤上密綴上下衣乃自沈於河時年二十歲逾四日得其屍於武清之范蠡口又四日始殮顏色如生歸葬大城縣之辛張

村南乾隆五年旌表入祠李光昭曰余蒞任東安更欲表其墓域因思越境而事非有司職且烈婦與夫家其義已絕魂魄有靈不在孟氏之壟而在殉節捐軀之所可知因遂於狼城道口樹一石碣題曰苑烈婦殉節處書苑氏而削其夫姓從天津殷貞婦之例也又置祭田十二畝擇鄉民耕種以其所入每歲六月五日具牲醪之禮委衙官致祭焉

邑令李光昭撰

解曹氏解萬通妻年二十五歲夫亡守節三十三年乾隆六年旌表

以下六年進表

李解氏李潔妻年二十六歲夫亡守節二十六年

許景氏許自永妻年二十九歲夫亡守節三十四年

郭李氏監生郭九會妻年二十五歲夫亡守節二十九年

孟李氏孟文舉妻年二十九歲夫亡守節四十二年

郭孟氏監生郭九鼎妻年二十八歲夫亡守節三十二年

胡于氏胡國永妻年二十九歲夫亡守節三十二年

楊趙氏楊自利妻年二十歲夫亡守節六十六年卒邑令周道裕旌其門曰貞心

勁節

王楊氏王瑞妻年二十六歲夫亡守節三十一年乾隆七年旌表

王張氏王宗台妻年二十一歲夫亡守節四十七年乾隆九年旌表

安李氏安福妻年二十七歲夫亡守節三十五年乾隆九年旌表

于劉氏于騰瀚妻年二十五歲夫亡守節三十一年乾隆十二年旌表

李姚氏李懷璞妻年二十七歲夫亡守節四十五年乾隆十二年旌表

李郭氏李果植妻年二十三歲夫亡守節二十九年乾隆十二年旌表

李曹氏李益妻年二十九歲夫亡守節二十四年乾隆十二年旌表

王趙氏生員王弘猷妻年二十五歲夫亡守節二十八年乾隆十二年旌表

紀張氏貢生紀溶妻年二十五歲夫亡守節四十三年乾隆十二年旌表

李胡氏廩生李坦妻年二十九歲夫亡守節二十三年乾隆十二年旌表

胡張氏胡希仲妻年二十五歲夫亡守節四十年乾隆十二年旌表

馬解氏淘河村解文雄之胞姊適得勝口馬希禹夫亡守節撫孤玉書向學得遊

膠庠爲名諸生焉乾隆中旌表

王袁氏生員王業煥妻年二十歲夫亡守節三十四年已旌表

孟劉氏孟端莊妻年二十二歲夫亡守節三十八年乾隆中旌表

王劉氏王祚厚妻年二十四歲夫亡守節至六十一歲卒

李施氏生員李時龍妻年二十四歲夫亡守節至六十八歲卒

竇紀氏竇葵芳妻年十九歲夫亡守節至七十七歲卒

解張氏解本秀妻年二十一夫亡時親老家貧長子紱甫四歲遺腹生次子濟張養老撫孤竭盡心力後爲長子紱授室楊氏四載而紱又夭止遺一女楊年方二十兩世孤嫠飲冰茹蘖艱苦備嘗張氏守節五十年至七十二而卒楊氏繼濟次子文光爲絳後亦以節終

李韓氏李日培妻年二十一歲夫亡守節七十五年壽九十七歲卒

張胡氏張子成妻年二十四歲夫亡守節六十九歲卒

李曹氏生員李希賢妻年二十九歲夫亡守節至六十八歲卒

李阮氏廩膳生李之發妻年二十五歲夫亡守節至七十歲卒

胡孫氏胡統虞妻年二十一歲夫亡守節五十一年卒邑令周道裕旌其門曰節孝流芳

李鄧氏李景文妻年二十五歲夫亡守節至八十五歲卒

安李氏景村安振民之妻礪子營李桂林之女也二十歲夫故撫孤女矢志守節至三十一歲卒

鄭孫氏鄭大海妻年二十六歲夫亡守節至八十六歲卒

李孫氏李起龍妻年二十二歲夫亡守節至七十一歲卒

王趙氏王思善妻年十八歲夫亡生子甫八月父母見其少寡欲奪其志趙峻拒之不歸甯者數載守節三十六年卒

楊趙氏楊士榮妻年三十歲夫亡守節七十年享壽百齡

侯馬氏侯建玉妻年二十七歲夫亡僅一子得志甫九歲守節三十七年得志以疾亡無嗣馬絕粒號呼旬餘而歿

郝婁氏郝汧妻年二十六歲夫亡汧之弟及婦亦相繼而殞僅遺幼姪倬生未彌月翁姑老且病或勸之嫁婁曰吾一家兄弟妯娌四人今獨剩一人妾嫁翁姑將誰依且禽獸行吾不忍爲也於是養老撫孤孝慈兼至倬長獲游庠序皆婁之力也守節五十一年卒

劉施氏劉爾瑁妻年二十歲夫亡守節至六十二歲卒

高閭氏高子立妻年十九歲夫亡守節至六十五歲卒

劉趙氏劉主賓妻年二十六歲夫亡守節至七十歲卒

于李氏于廷佐妻年二十五歲夫亡守節至八十一歲卒

李氏李彰德妻年二十六歲夫亡守節至六十九歲卒

謝冉氏謝灃妻十八歲夫亡守節五十餘年

邢趙氏邢天爵妻年二十八歲夫亡守節至六十八歲卒

張趙氏張世阡妻年二十二歲夫亡守節至五十九歲卒

解郭氏解冠甲妻年二十三歲夫亡守節至七十歲卒

劉韓氏劉謀妻年二十四歲夫亡守節至七十四歲卒

孟王氏孟傑已妻年二十二歲夫亡守節至七十歲卒

劉氏生員劉之琦妻年二十九歲夫亡守節至五十八歲卒

孫祁氏江南廣德營遊擊孫天章妾夫亡時祁年二十八歲守節三十七年乾隆
中旌表

曹淑媛李元理妻也初伉儷相得及而元理復有所私謀娶之翁李淇陰縱其子
多方凌虐必置淑媛於死然後快遂薙其鬢髮夜則驅諸牛欄豚柵中弗與衣食
其父爾琯知之欲迎女歸不許遂訟諸邑宰淑媛不欲白親之惡詣訟庭堅諱不
言邑宰諦視其面部傷痕狀鰥瘦如餓殍乃撫案嘆曰李氏父子凌虐之慘不可
揜矣姑從賢婦之志以全室家之好再犯不貸尙其戒之後淑媛竟以抑挫致死
王吳氏小營村王君用妻夫亡守志乾隆中旌表

劉張氏炊莊劉吉妻夫亡守志嘉慶五年旌表

張王氏仇家莊張均妻均亡王年十九歲上事翁姑下撫幼子守節四十一年嘉